



FYLKESMANNEN I ROGALAND UTDANNINGSAVDELINGA

TILSYN MED VINDAFJORD KOMMUNE

TIDSPUNKT: 20. oktober 2009 **Vår ref:** 09/9104

KOMMUNEN SI ADRESSE: Vindafjord kommune, 5580 ØLEN

KOMMUNENUMMER: 1160

TILSYNSGRUPPE: Hanne Sørli Ronæss, Jorunn Helland

**KONTAKTPERSON
I KOMMUNEN:** Kommunalsjef Øyvind Valen

Heimel for tilsynet

Heimelen for Fylkesmannen sitt tilsyn er barnehagelova § 9, andre ledd:
Fylkesmannen fører tilsyn med at kommunen utfører de oppgaver den som barnehagemyndighet er pålagt etter denne lov.

Tema for tilsynet

Tema for tilsynet var kommunen som lokal barnehagemynde, og med fokus på desse områda:

- Kommunen sitt tilsyn med barnehagane, jf. barnehagelova § 16,
- Kommunen som godkjenningsmyndighet, jf. barnehagelova § 10

Fylkesmannen avdekte følgjande avvik under tilsynet

Avvik 1

Vindafjord kommune sikrar ikkje fullt ut at alle lovbestemte vurderingar er gjorde før vedtak om godkjenning vert fatta.

Avvik 2

Vindafjord kommune fører ikkje tilstrekkeleg tilsyn med om barnehagane i kommunen vert drivne etter barnehagelova og elles er forsvarlege.

Fylkesmannen har ikkje avdekt forhold som gir grunnlag for merknader.

Stavanger, 15. desember 2009

Hanne Sørli Ronæss
rådgivar/tilsynsleiar

Jorunn Helland
rådgivar

Innhald

1. Innleiing
2. Dokumentunderlag
3. Avvik
4. Merknad
5. Gjennomføring
6. Oppfølging

Vedlegg

Vedlegg 1: Dokumentunderlag for Fylkesmannen sitt tilsyn

Vedlegg 2: Oversyn over personane frå kommunen som var direkte involverte i tilsynet

1. Innleiing

Rapporten er utarbeidd etter tilsyn med Vindafjord kommune 20. oktober 2009. Tilsynet er eit ledd i Fylkesmannen sitt tilsyn med kommunen som barnehagemyndigkeit. Tilsynet er utført som systemrevisjon og er retta mot kommunen som barnehagemyndigkeit for offentlege og private barnehagar.

Tilsynet fokuserer på om kommunen oppfyller visse lovkrav innanfor oppgitt emne, sjå ”Tema for tilsynet”, og rapporten viser avvik og merknader som blei funne under tilsynet. Rapporten gir såleis inga fullstendig tilstandsvurdering av kommunen som barnehagemyndigkeit.

Formålet med tilsynet var å vurdere kva Vindafjord kommune som barnehagemyndigkeit gjer for å ivareta ansvar og plikter som er fastsette i regelverket. Tilsynet omfattar kommunen sine rutinar og system for å ivareta lovkrav, ikkje personrelaterte forhold. Tilsynet omfattar mellom anna undersøkingar om:

- aktivitetar blei utførte som dokumentert og uttalt
- kommunen driv verksemda si innanfor eigne rammer og dei rammene styresmaktene har sett

Tilsynet vart gjennomført ved gransking av dokument, ved intervju av sentralt plasserte personar i organisasjonen og ved verifikasjon av om reglar og rutinar blir følgde opp i praksis. Eventuelle funn ved tilsynet blir formulerte som avvik og/eller merknader.

AVVIK: blir definert som mangel på oppfylling av krav fastsett i eller i medhald av lov eller forskrift.

MERKNAD: gjeld forhold som ikkje blir omfatta av definisjonen for avvik, men som tilsynet meiner det er nødvendig å påpeike slik at kommunen kan betre forholda.

2. Dokumentunderlag

Dokumentunderlaget for tilsynet var:

- Lov om barnehagar
- Forskrift til barnehagelova
- Dokumentasjon frå kommunen (vedlegg 1)

3. Avvik

Avvik 1

Vindafjord kommune sikrar ikkje fullt ut at alle lovbestemte vurderingar er gjorde før vedtak om godkjenning vert fatta.

Avvik frå

Barnehagelova § 10, jf. forvaltningslova §§ 17, 23, 24 og 25.

Lovkommentar

Kommunen avgjer i medhald av § 10 i barnehagelova søknad om godkjenning av barnehagar etter ei vurdering av om barnehagen er eigna i forhold til lova sine reglar om føremål og innhald. Kommunen skal gjere ei konkret vurdering av dei fysiske rammene, dvs. om lokale og uteområde, er eigna for barnehagedrift. Kommunen skal fastsetje leike- og opphaldsarealet inne, gi ei vurdering av om bemanninga er forsvarleg i høve til pedagognorma, kontrollere vedtekten og klargjere eventuelle vilkår stilte av andre instansar.

Kommunen si godkjenning av barnehagar etter barnehagelova er eit enkeltvedtak etter reglane i forvaltningslova og skal vere skriftleg og grunngitt.

Avviket er basert på følgjande observasjonar:

- I enkelte saker om godkjenning har kommunen berre fylt ut departementets standardskjema.
Intervju bekreftar at det er gjort ein gjennomgang av godkjenningane for dei ulike barnehagane, men at enkelte barnehagar fortsett manglar formell godkjenning/ endra godkjenning i form av skriftleg og grunngitt vedtak.
- Godkjenningsvedtaka beskriv lovkrav og fakta, men viser i mindre grad kommunens vurderingar.
- Vilkår stilt av andre myndigheter er ikkje alltid klarlagde før godkjenning etter barnehagelova.
- Vedtaka inneheld feil lovreferansar.

Avvik 2

Vindafjord kommune fører ikkje tilstrekkeleg tilsyn med om barnehagane i kommunen vert drivne etter barnehagelova og elles er forsvarlege.

Avvik frå

Barnehagelova § 16.

Lovkommentar

Kommunen som barnehagemyndigkeit skal føre tilsyn med den enkelte barnehage.

Kommunen skal gjennom si tilsynsverksemder sjå til og sikre at barnehagane i kommunen driv i samsvar med gjeldande regelverk og elles er forsvarlege. Tilsynet etter barnehagelova skal omfatte alle krav stilte i lov og forskrifter. Tilsynsansvaret omfattar også tilsyn med innhald og kvalitet i barnehagen. Samfunnsmandatet til barnehagen er gitt i Rammeplanen, som er ein reiskap for barnehagen sine tilsette og eit grunnlag for kommunen sitt tilsyn med verksemda.

Kunnskapsdepartementet sin rettleiar ”Tilsyn med barnehagar” viser til at kommunen sitt tilsynsansvar er ei omfattande oppgåve som gjer det nødvendig å ha ein plan med omtale av kva tilsynet omfattar og kor ofte det skal utøvast. Kommunen si organisering av tilsynet må sikre reell likebehandling av kommunale og ikkje-kommunale barnehagar.

Som barnehagemyndigkeit skal kommunen også kontrollere at opplysningane gitt av eigar om talet på barn, barna sin alder og opphaldstider, stemmer overens med dei faktiske forhold og med godkjenninga. (Barnehagelova §§ 8, 10 og 16.)

Avviket er basert på følgjande observasjonar:

- Vindafjord kommune har ikkje gjennomført tilsynsbesøk i barnehagane.
- Vindafjord kommune har ingen skriftleg plan for tilsyn som omfattar tema for tilsyn, gjennomføring, framdriftsplan og myndigkeit til å utføre tilsyn og til å gi pålegg.

4. Merknad

Fylkesmannen har ikkje avdekt forhold som gir grunnlag for merknader.

5. Gjennomføring

Tilsynet vart gjennomført på følgjande måte:

Varsel sendt ut: 04.09.09

Formøte: 12.10.09

Intervju: 20.10.09

Sluttmøte: 20.11.09

I vedlegg 2 er det gitt oversyn over deltakarane i tilsynet.

6. Oppfølging

Fylkesmannen ber om tilbakemelding frå Vindafjord kommune om korleis avvika i rapporten er følgde opp innan 1. mars 2010.

Vedlegg 1: Dokumentunderlag for Fylkesmannen sitt tilsyn

Materiale tilsendt frå Vindafjord kommune:

1. Organisasjonskart for kommunen og for tenesteområde barnehage
Delegeringsreglement for kommunen og tenesteområde barnehage
 2. Arbeidsoppgåver barnehagerådgjevar
 3. Retningslinjer for sakshandsaming
 4. Plan for tilsyn
 5. Tilsynsrapportar etter brevtilsyn (ettersendt)
 6. Vedtak om godkjenning av barnahagar
 7. Eksempel på årsplan – Sandeid barnehage
 8. Diverse (vedtekter etc.)
-

Vedlegg 2:

Oversyn over personane frå kommunen som var direkte involverte i tilsynet

Tabellen under gir oversyn over deltakarane frå kommunen som deltok i opningsmøte, intervju og sluttmøte.

Namn	Funksjon	Oppnings-møte	Intervju	Slutt-møte
Kristian Birkeland	Rådmann			X
Øyvind Valen	Kommunalsjef	X	X	X
Kirsten Hansen	Rådgiver barnehage	X	X	X
Anne Gry Isaksen	Styrar Sandeid barnehage	X	X	X
Liv Herborg Wold	Styrar Skjold barnehage	X	X	X
Jenny Gundersen	Styrar Ølensjøen barnehage	X	X	X

Frå Fylkesmannen deltok rådgivar Jorunn Helland og rådgivar Hanne Sørli Ronæss med sistnemnde som revisjonsleiar.